

Na osnovu člana 67. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 25. Zakona o javnim skijalištima ("Službene novine Kantona Sarajevo, broj 54/12), ministar saobraćaja Kantona Sarajevo donosi

PRAVILNIK

O VRSTI SIGNALIZACIJE, SADRŽAJU, MJESTU POSTAVLJANJA I DRUGIM PITANJIMA OD ZNAČAJA ZA OSTVARENJE FUNKCIJA SIGNALIZACIJE NA SKIJALIŠTIMA

I- OSNOVNE ODREDBE

Član 1. (Predmet)

Ovim Pravilnikom propisuje se signalizacija koja se postavlja na skijalištima i stazama u Kantonu Sarajevo, njihov sadržaj, izgled, mjesto postavljanja i druga pitanja od značaja za ostvarivanje funkcije signalizacije na skijalištima.

Član 2. (Vrsta signalizacije)

Signalizaciju na skijalištu (u daljem tekstu: signalizacija) u smislu ovog Pravilnika čine: znakovi zabrane, znakovi obaveze, znakovi upozorenja, znakovi obavještenja dopunske table i svjetlosna signalizacija.

Član 3. (Predmet označavanja)

Signalizacijom se označava: ski-staza, ski-put, ski-ruta, ski-poligon, granice skijališta, žičara, ski-lift, pokretna traka, polazna i izlazna stanica žičare i ski-lifta, kao i drugi objekti, oprema i uređaji skijališta, od značaja za skijaše i druge korisnike skijališta.

Član 4. (Sadržaj znaka)

(1) Znak sadrži simbol ili simbol i tekstualni natpis koji bliže određuju značenje znaka.

(2) Ukoliko znak, pored simbola, sadrži i tekstualni natpis, sadržaj tekstualnog natpisa smatra se sastavnim

dijelom znaka.

Član 5. (Ispisivanje teksta)

- (1) Tekst na znaku ispisuje se na jednom od zvaničnih jezika u Bosni i Hercegovini.
- (2) Tekst iz stava (1) ovog člana može sadržavati i prevod na neki od svjetskih jezika.

Član 6. (Smjer postavljanja)

- (1) Signalizacija se postavlja sa desne strane ski-staze, objekata, opreme ili uređaja skijališta u smjeru kretanja skijaša.
- (2) Ukoliko nije moguće postaviti znak u smjeru kretanja skijaša, ili prijeti opasnost da skijaš ne može pravovremeno uočiti znak, znak na skijalištu se postavlja iznad ili s lijeve strane ski-staze, objekata, opreme ili uređaja javnog skijališta i ima isto značenje, kao kada je postavljen na način određen u stavu (1) ovog člana.

Član 7. (Uslovi postavljanja signalizacije)

Signalizacija se postavlja tako da:

- 1) ne ugrožava skijaše i druge korisnike skijališta,
- 2) ne ometa rad žičare, ski-lifta i drugih infrastrukturnih sistema na skijalištu,
- 3) jasno vidljivo i lako uočljivo za skijaše,
- 4) ne ometa kretanje prevoznih sredstava na skijalištu.

Član 8. (Mjesto postavljanja)

- (1) Signalizacija se postavlja na stubove od metala, drveta ili drugih prirodnih ili sintetičkih materijala (polikarbonat, epoksid i dr.), prečnika do 100 mm.
- (2) Signalizacija može biti postavljena na stub žičare ili ski-lifta ili drugi objekat skijališta.
- (3) Izuzetno signalizacija se može postaviti i na drugom pogodnom mjestu.

Član 9.
(Visina postavljanja)

- (1) Minimalna visina na kojoj se postavlja znak iznosi: 200 cm od zemljane podloge.
- (2) Signalizacija, namijenjena obavještanju korisnika skijališta koji se prevoze žičarama, postavlja se na određenu visinu, kako bi bili lako uočljivi iz sredstva kojima se prevoze korisnici skijališta.

Član 10.
(Ostali uslovi)

- (1) Signalizacija određena ovim Pravilnikom, mora biti postavljena na skijalištu najmanje sedam dana prije početka skijaške sezone.
- (2) Žičare i drugi objekti skijališta, koji se koriste u toku ljetne sezone, moraju biti opremljeni signalizacijom, za sve vrijeme trajanja ljetne sezone.
- (3) Na signalizaciji i stubovima na koje se postavlja signalizacija, ne mogu se postavljati reklamni natpisi ili druge oznake koje ometaju vidljivost signalizacije.

Član 11.

(Pojam znakova zabrane)

Znakovi zabrane, služe da skijašima i drugim korisnicima skijališta ukažu na zabrane kojih moraju da se pridržavaju na skijalištu.

Član 12.

(Vrste znakova zabrane)

Znakovi zabrane su:

1) znak "zabranjeno skijanje" (ZZ-01), znak "zabranjena vožnja snowboard-a" (ZZ-02), znak "zabranjeno skijanje po šumskoj površini" (ZZ-03), koji označavaju zabranu navedeni skijaških aktivnosti na određenom mjestu ili djelu skijališta i znak "zabranjen ulazak na ski-stazu" (ZZ-04), koji označava zabranu ulaska lica koja ne skijaju na ski- stazu;



2) znak "zabranjeno sankanje" (ZZ-05), znak "zabranjena vožnja motornih sanki" (ZZ- 06), znak "zabranjena vožnja ski-boba" (ZZ-07) i znak "zabranjena vožnja terenskih vozila" (ZZ-08), koji označavaju zabranu korištenja sanki, ski-boba i terenskih vozila na ski-stazama ili delovima skijališta na kojima se okupljaju skijaši ili drugi korisnici skijališta;



3) znak "zabranjeno njihanje sjedišta žičare" (ZZ-09) i znak "zabranjeno držanje ruksaka na leđima" (ZZ-10), koji označavaju radnje i aktivnosti koje se ne smiju preduzimati prilikom vožnje žičarom. Obavezno se postavljaju na polaznim stanicama žičara;



4) znak "zabranjeno stavljanje sidra između nogu" (ZZ-11), koji označava zabranu označenog načina korištenja vučne naprave ski-lifta prilikom uspona. Obavezno se postavlja na polaznoj stanici ski-lifta;



ZZ-12

5) znak "zabranjeno hvatanje prazne vučne naprave" (ZZ-12), koji označava područje na trasi ski-lifta na kome nije dozvoljeno hvatanje vučne naprave;



ZZ-13

6) znak: "zabranjeno sjedenje i ležanje na pokretnoj traci" (ZZ-13), koji označava zabranu neodgovarajućeg korištenja pokretne trake. Obavezno se postavlja u blizini pokretne trake;



ZZ-14

7) znak "zabranjeno krivudanje trasom ski-lifta" (ZZ-14), koji označava zabranu nepropisne vožnje skijama na trasi ski-lifta. Obavezno se postavlja na polaznoj stanici ski-lifta;



ZZ-15

8) znak "zabranjeno bacanje otpadaka" (ZZ-15), koji označava zabranu bacanja otpada van obezbjeđenih mjesta za odlaganje;



ZZ-16

9) znak "zabranjen prolaz" (ZZ-16), koji označava zabranu prolaza na ski-stazi ili drugom objektu koji je u nadležnosti skijališta.

Član 13.

(Oblik, dimenzije i simboli)

Znakovi zabrane imaju oblik pravougaonika dimenzija 40x60 cm. U gornjem djelu, uže strane znaka ucrtan je krug prečnika 40 cm. Simboli koji označavaju radnju koja se zabranjuje iscrtavaju se u unutrašnjosti kruga. U donjem djelu znaka se ispisuje tekst koje dodatno opisuje zabranu.

Član 14.

(Boja)

- (1) Osnovna boja signalizacije zabrane je bijela, a ivica kruga i kosa traka na krugu je crvene boje. Simbol i natpisi na signalizaciji zabrane su crne boje.
- (2) U pogledu boje odstupaju simboli na znaku "zabranjeno njihanje sjedišta žičare" (ZZ-09) i "zabranjeno ranac držati na leđima" (ZZ-10), koji su dijelom iscrtani u crvenoj boji.

Član 15.

(Mjesto postavljanja)

Znakovi zabrane se postavljaju na vidnim mjestima na skijalištu, ispred područja odakle počinje zabrana.

B) ZNAKOVI OBAVEZE

Član 16.

(Pojam)

Znakovi obaveze, na skijalištu služe za upoznavanje skijaša i drugih korisnika skijališta sa obaveznim radnjama i dužnostima prilikom korištenja skijališta (ski-staze, ski-žičare, ski-lifta, ski-poligona i dr.).

Član 17. (Vrste)

Znakovi obaveze
su:



ZO-01



ZO-02



ZO-03

1) znak "dvije osobe u redu" (ZO-01), znak "četiri osobe u redu" (ZO-02) i znak "šest osoba u redu" (ZO-03), koji označavaju broj osoba u formiranju reda kod korištenja žičare. Obavezno se postavljaju na polaznoj stanici žičare;



ZO-04



ZO-05



ZO-06



ZO-07

2) znak "način držanja torbe" (ZO-04), koji označava način na koji treba držati torbu prilikom korištenja žičare, znak "prihvat sjedišta" (ZO-05), znak "puštanja sigurnosnog rama" (ZO-06), znak "podizanja vrhova skija" (ZO-07), koji označavaju obavezne radnje kojih moraju da se pridržavaju skijaši na početku i tokom korištenja žičare;



ZO-08

ZO-09

ZO-10


ZO-11

3) znak "podizanja sigurnosnog rama" (ZO-08), znak "silazak sa žičare" (ZO-9), koji označava blizinu mjesta na kome je obavezno silaženje sa žičare, znak "obavezen silazak u lijevo" (ZO-10), i znak "obavezen silazak u desno" (ZO-11), koji označavaju približavanje mjestu obaveznog silaženja sa žičare i pravac silaženja sa žičare;



ZO-12

4) znak "sjedište u ravnoteži" (ZO-12), koji označava način na koji se može koristiti žičara, kada se prevozi manji broj korisnika od predviđenog kapaciteta;



ZO-13

ZO-14

ZO-15

5) znak "štapove držati u jednoj ruci" (ZO-13), koji označava obavezu skijaša da štapove za skijanje drži u jednoj ruci, znak "Sidro-sidro" (ZO-14), i znak "teleskopska vučna naprava" (ZO-15), koji označavaju vrstu i način korištenja vučnih naprava na ski-liftu;



ZO-16

ZO-17

ZO-18

6) znak "pripremite se za izlazak u lijevo"(ZO-16), znak "pripremite se za izlazak u desno" (ZO-17), i znak "pripremite se za izlazak u lijevo ili u desno" (ZO-18), koji označavaju obavezu puštanja vučne naprave i pravce kretanja skijaša nakon korištenja ski-lifta;



ZO-19

ZO-20

7) znak "u slučaju pada sklonite se sa staze u desno" (ZO-19), i znak " u slučaju pada sklonite se sa staze u lijevo" (ZO- 20), koji označavaju način i pravac obaveznog izvlačenja skijaša nakon pada na ski- stazi;




ZO-21

8) znak "pokretna traka" (ZO-21), koji označava mjesto na skijalištu na kome je obavezno korištenje pokretne trake;



ZO-22



ZO-23




ZO-24



ZO-25

9) znak "obavezen smjer skijanja - lijevo" (ZO-22), znak "obavezen smjer skijanja - desno" (ZO-23), znak "obavezen smjer skijanja - pravo" (ZO-24), "obavezen smjer skijanja lijevo ili desno" (ZO-25), koji označavaju pravce obaveznog smjera skijanja;



ZO - 26

10) znak "obavezno zaustavljanje" (ZO-26), koji označava blizinu mjesta na kome skijaš mora da se zaustavi na potom ustupi prvenstvo prolaza skijašima ili drugim korisnicima skijališta, koji se kreću po ski-stazi ili ski-poligonu.

Član 18.

(Oblik, dimenzije i simboli)

- (1) Znakovi obaveze imaju oblik pravougaonika, dimenzija 40x60 cm, unutar kojeg je u gornjem djelu znaka ucrtan krug prečnika 40 cm.
- (2) U donji dio znaka može se dodati tekst ili simbol bijele boje kojim se dodatno opisuje zabrana.

Član 19.

(Boja)

Osnovna boja znaka obaveze oblika pravougaonika je plava. Linija koja opisuje ivicu kruga unutar pravougaonika je bijele boje. U sredini kruga ucrtan je simbol bijele boje koji označava vrstu obaveze.

Član 20.

(Odstupanja)

Izuzetno od odredaba čl. 18. i 19. ovog Pravilnika u pogledu oblika i boja odstupaju sledeći znakovi obaveze, i to:

1) u pogledu oblika:

a) znak "obavezen smjer skijanja - lijevo" (ZO-22), znak "obavezen smjer skijanja - desno" (ZO-23), znak "obavezen smjer skijanja - pravo" (ZO-24) i znak "obavezen smjer skijanja lijevo ili desno" (ZO-25), koji imaju oblik kruga, prečnika 40 cm, sa ucrtanim strelicama bijele boje, koje označavaju pravce obaveznog smjera skijanja;

b) znak "obavezno zaustavljanje" (ZO-26) koji ima oblik osmougaonika;

2) u pogledu boje:

a) signalizacija: "obavezen smjer skijanja - lijevo" (ZO-22), "obavezen smjer skijanja - desno" (ZO-23), "obavezen smjer skijanja - pravo" (ZO-24), "obavezen smjer skijanja lijevo ili desno" (ZO-25), kod kojih se osnovna boja znaka određuje prema težini ski-staze i može biti zelena, plava, crvena ili crna;

b) znak "obavezno zaustavljanje" (ZO-26), čija osnovna boja je crvena, ivica znaka u belo i crvenoj boji, a reč "STOP" u sredini osmougaonika je ispisana slovima bijele boje.

C) ZNAKOVI UPOZORENJA

Član 21.

(Pojam)

Znakovima upozorenja skijaši i drugi korisnici skijališta se upozoravaju o mjestu i vrsti opasnosti na ski-stazi ili na drugim objektima skijališta.

Član 22. (Vrste)

Znakovi upozorenja su:



ZU-01

1) znak "upozorenje na opasnost" (ZU-01), koji označava dio ski-staze ili mjesta na skijalištu na kome korisnicima skijališta prijeti opasnost za koju ovim Pravilnikom nije predviđen poseban znak;



ZU-02

2) znak "suženje ski-staze" (ZU-02) koji označava približavanje suženom djelu ski-staze na kome skijanje nije sigurno;



3) znak "opasna krivina na lijevo" (ZU-03) i znak "opasna krivina na desno" (ZU-04), koji označavaju približavanje krivinama na ski-stazama koje nisu sigurne za skijanje zbog svojih fizičkih karakteristika ili preglednosti;





(ZU-06), "ukrštanje ski-staze sa saobraćajnicom" (ZU-07), "ukrštanje ski-staze sa trasom dvosjedne žičare" (ZU-08), "ukrštanje ski-staze sa trasom četvorosjedne žičare" (ZU-09) i znak "ukrštanje ski-staze sa trasom šestosjedne žičare" (ZU-10);



5) znak "Strma trasa ski-lifta" (ZU-11), koji označava približavanje velikom usponu na trasi ski-lifta, znak "opasnost od neravnina na stazi" (ZU-12) koji označava približavanje djelu ski-staze na kome postoje neravnine, koje mogu da izazovu neželjene skokove skijama i znak "opasnost od pada" (ZU-13) koji označava blizinu mjesta na skijalištu na kome postoji opasnost od pada u provaliju;



6) znak "opasnost od motornih sanki" (ZU-14) i znak "opasnost od terenskih vozila" (ZU-15), koji označavaju blizinu mjesta na ski-stazi na kome se mogu pojaviti motorne sanke ili terenska vozila;



ZU-16



ZU-15



ZU-18

7) znak "mašina za snijeg u radu" (ZU-16), znak "snežni top u radu" (ZU-17) i znak "mašina sa vitlom u radu" (ZU-18) koji označavaju ski-stazu ili mjesto na ski-stazi na kome rade mašine i uređaji za pripremu snijega;



ZU-19



ZU-20

8) znak "granica ski područja" (ZU-19), koji označava granice ski područja i znak "ne prilazi opasnost" (ZU-20), koji označava izuzetno opasna mjesta (rudničke kopove, jame, vrtače, provalije, vodene akumulacije, odrone, područja sa lavinama i dr.) za skijaše;

9) Znak „oprez visoki napon“ (ZU-21), koji označava upozorenje na rad uređaja koji su pod naponom električne struje.



ZU-21

Član 23.

(Vrste znakova u zavisnosti od trajanja opasnosti)

- (1) Znakovi upozorenja mogu biti stalni ili privremeni, u zavisnosti od stepena i trajanja opasnosti.
- (2) Privremeni znakovi moraju da se uklone ukoliko njihovo značenje ne odgovara izmjenjenim uslovima na skijalištu.

Član 24.

(Oblik, dimenzije i simboli)

- (1) Znakovi upozorenja imaju oblik pravougaonika, dimenzija 40x60 cm unutar koga je u gornjem djelu znaka ucrtan jednakokranični trougao čija se jedna stranica nalazi u horizontalnom položaju sa suprotnim vrhom okrenutim na više.
- (2) Simbol je ucrtan u sredini jednakokraničnog trougla.
- (3) U donji dio znaka može se dodati simbol ili tekst slovima crne boje, kojim se dodatno opisuje vrsta upozorenja (strma staza, opasnost od pada drveća, itd).

Član 25.

(Boja)

Osnovna boja ski-signalizacije upozorenja je žuta, stranice trougla i simboli su u crnoj boji.

Član 26 .

(Odstupanja u pogledu oblika i boje)

U pogledu oblika i boja od odredaba čl. 24. i 25. ovog Pravilnika odstupaju sljedeći znakovi obaveze, i to:

- 1) u pogledu oblika mogu da odstupaju ski-znakovi koji se postavljaju kao privremeni i koji imaju oblik kvadrata, stranice 72 cm, i izrađuju se od PVC tkanine koja propušta vet.
- 2) u pogledu boja odstupa znak "granica ski područja" (ZU-19) na kome se tekst, kojim se dodatno opisuje vrsta upozorenja ispisuje slovima crvene boje i znak "ne prilazi opasnost" (ZU-20) na kome su osnovne boje plava i siva, simbol u crvenoj boji, riječ "STOP" na simbolu je ispisana slovima žute boje a tekst u donjem djelu znaka ispisana je slovima bijele boje.

Član 27.

(Postavljanje znakova)

Znakovi upozorenja moraju biti postavljeni najmanje 30 m prije mjesta koje označavaju, tako da skijaši mogu da ih primijete na vrijeme. Privremeni ski-znakovi postavljaju se na žuto- crnim štapovima.

D) ZNAKOVI OBAVJEŠTENJA

Član 28


(Pojam)

Znakovima obavještenja skijaši se informišu o stepenu težine ski-staze, smjeru i pravcu kretanja, ulazu i izlazu sa ski-staze, podacima koji se odnose na objekte na skijalištu i na njihov rad, prostorijama za hitnu medicinsku pomoć i mjestima za pozivanje pomoći (SOS).


Član 29.

(Vrsta)


Znakovi obavještenja su:



1)signalizacija "markacije" koji se uključuje na laku ski-stazu (ZO-01) – maksimalni nagib do 15%, srednje tešku ski-stazu (ZO-02) – maksimalni nagib do 25%, tešku ski-stazu (ZO-03) – maksimalni nagib do 25%-40%, i ekstremno tešku ski-stazu (ZO-04) – maksimalni nagib do preko 40%,. Osnovna boja stuba na kome se nalazi znak je u žutoj boji. Broj staze na znaku ispisan je slovima bijele boje;



2) signalizacija "markacije ski-puta" koji se uključuje na laku ski-stazu (ZO-05) – maksimalni nagib do 15%, srednje tešku ski-stazu (ZO-06) – maksimalni nagib do 25%, tešku ski-stazu (ZO-07) – maksimalni nagib do 25%-40%, i ekstremno tešku ski-stazu (ZO-08) – maksimalni nagib do preko 40%.. Osnovna boja stuba na kome se nalazi znak je u žutoj boji. Broj staze na znaku ispisan je slovima bijele boje;



3) znakovi "granice ski-staze" (ZO-09) i (ZO-10), koji označavaju širinu ski-staze. Znak (ZO-09) se postavlja uz rub sa desne strane ski-staze, a znak (ZO-10) se postavlja uz rub sa lijeve strane ski-staze. Osnovna boja znaka i stuba na kome se nalazi znak određuje se prema stepenu težine ski-staze. Strelica za smjer na znaku iscrtava se bijelom bojom;



ZO-11



ZO-12



ZO-13



ZO-14



ZO-15

4) znakovi „staze za alpsko skijanje brze discipline“ (ZO-11), „staze za alpsko skijanje tehničke discipline“ (ZO-12), „staza za sankanje“ (ZO-13), „staza za snowboarding“ (ZO-14), „staza za nordijske discipline“ (ZO-15), koji označavaju za koje je discipline staza namjenjena.;



ZO-16



ZO-17



ZO-18

5) znakovi „pješačka staza“ (ZO-16), „staza pogodna za planinarenje“ (ZO-17), „pješačka-biciklistička staza“ (ZO-18), koji označavaju namjenu staze;



ZO-19



ZO-20

6) signalizacija "promjena smjera" na lijevo (ZO-19) i "promjena smjera na desno" (ZO-20), koji označavaju mjesto na ski-stazi gde se može izvršiti promjena smjera ili se ski-putem može napustiti

ski-staza. Osnovna boja znaka i stuba na kome se nalazi znak određuje se prema stepenu težine ski-staze ka kojoj vodi ski-put. Strelica na znaku iscertava se bijelom bojom a nazivi i brojevi ski-staza ispisuju se crnom bojom;



ZO-21




ZO- 22

7) signalizacija "višesmjerna putokazna tabla" (ZO-21) i "jednosmjerna putokazna tabla" (ZO- 22), koji označavaju pravac prema objektima za vertikalni transport skijaša i drugih korisnika skijališta;



ZO- 23

8) znak "naziv objekta" (ZO-23) označava naziv objekta na skijalištu. Znak se postavlja na polaznim stanicama žičara i ski-liftova, pokretnim trakama, toboganima i drugim objektima skijališta;



ZO-24

9) znak "informativni pano" (ZO-24) sadrži informacije o skijalištu, mjestu gde se informativni pano nalazi i na putokaznim tablama koje su sastavni dio usmjeravajućeg panoa, smjer i težinu ski-staze prema kojoj se skijaš usmjerava. Na informativnom panou mogu se istaknuti najviše četiri putokazne table, čija širina može biti kao i širina informativnog panoa;



ZO-25



ZO-26

10) znak "prva pomoć" (ZO-25) označava blizinu mjesta na skijalištu na kome se nalazi prostorija za pružanje prve pomoći i znak "SOS telefon" (ZO-26), koji označava mjesto gde se nalazi telefon za poziv u pomoć;



ZO-27

11) znak "zatvorena skijaška staza" (ZO-27) označava ski-stazu koja je zatvorena za skijanje zbog nedostatak snijega, rada mašina za utabavanje snijega, itd;



ZO-28

12) znak "punkt gorske službe spašavanja" (ZO-28) označava lokaciju punkta gorske službe spašavanja;

UPOZORENJE:

- Ne udaljavajte se od obilježanih granica skijališta, naročito u slučaju magle, iznenadnog nevremena i nastupa noći.
- Odaberite onu skijašku stazu koja odgovara vašem skijaškom znanju i fizičkoj kondiciji.
- Poštujte vrijeme otvaranja i zatvaranja skijaških staza

WARNING:

- Do not move away from the ski area boundary, especially in the event of fog, bizzard or with night approaching
- Chose the slope appopnate to both your skiing skilis and physical condition
- Mind the opening and closing time the ski slopes.

U SLUČAJU NESREĆE:

- Dobro uočite položaj povrijeđenog na skijaškoj stazi.
- Ne pružajte nikakvu medicinsku pomoć hrani ili piće povrijeđenom izuzev utopljanja i ostavljanja obezbjeđenja.
- Odmah izvijestite ekipu Gorske službe spašavanja na telefon 062 654 456 ili službeno lice na polazu žičare ili ski lifta.

IN CASE OF ACCIDENT:

- Remember the accurate position of he accident.
- Do NOT give any medical attention, food of beverages to the injured. You may insure that the injured is worm and secure the accident area.
- Immediately inform the Mountain Rescue Squad via phone 062 654 456 or ski center officials at the ski lift entrance.

ZO-29

13) Tabla „ upozorenja gorske službe spašavanja“ (ZO-29) koja sadrži upozorenje za skijaše sa smjernicama za postupanje u slučaju nesreće;

Pravila Međunarodne skijaške federacije (FIS)

1. Obzir prema drugim skijašima
Svaki skijaš se mora ponašati tako da ne ugrožava ili ne djeluje na štetu drugog skijaša.

2. Kontrola brzine i tehnike
Svaki skijaš mora biti oprezan. Svoju brzinu treba prilagoditi svojem znanju skijanja, te vremenskim i snježnim uvjetima kao i konfiguraciji terena.

3. Izbor spusta
Skijaš koji se dolazi mora izabrati smjer kretanja tako da time ne ugrožava skijaša koji je ispred njega.

4. Zaobilazanje
Zaobilaziti se može sa svake strane, ali uvijek s razmakom koji zaobiđenom skijašu ostavlja dovoljno prostora za sve njegove pokrete te mu se ne ulazi u smjer kretanja.

5. Spuštanje i ponovni ulazak na stazu
Svaki skijaš koji se spusta stazom ili nakon stanke želi ponovo ući na stazu mora provjeriti svaki smjer, pogledati obavezno iza sebe, kako to kretanje ne bi bilo opasno za njega ili za druge.

6. Zaustavljanje
Skijaši trebaju izbjegavati zaustavljanje bez prave potrebe na uskim ili nepreglednim mjestima jer time dovode u opasnost i sebe i druge. Ako se dogodio pad treba što prije napustiti takvo mjesto.

7. Uspon i silazak
Skijaš ili pješak koji se uspinje ili silazi pješice se mora držati ruba staze.

8. Praćenje znakova
Skijaši trebaju pažljivo pratiti upozorenja i znakove na stazama.

9. Ponašanje u slučaju nezgode
U slučaju nezgode svaki skijaš je dužan pružiti pomoć i pozvati službu spašavanja.

10. Dužnost identifikacije
Svaki skijaš, bio on svjedok ili sudionik nesreće, odgovoran ili ne, mora u slučaju nezgode dati svoje osobne podatke nadležnoj osobi.

ZO-30

14) Tabla “opšta Pravila na stazama, žičarama, ski liftovima“ (ZO-30) - Pravila međunarodne skijaške federacije(FIS)“ koja sadrži 10 Pravila skijaškog bontona, odnosno Pravila koja je svaki korisnik skijališta dužan da poštuje;



ZO-31

15) znak "informaciona tabla" (ZO-31), koji sadrži informacije o skijalištu, odnosno mjestu gde se

informaciona tabla nalazi, statusu instalacija (radi/ne radi), visini snežnog pokrivača, jačini vetra, oblačnosti, temperaturi, radnom vremenu žičara, i druge informacije od značaja za sigurnost skijaša;

Informaciona tabla se postavlja na mjestima velike koncentracije skijaša.

Član 30. (Oblik i dimenzije)

Oblik ski-znakovi obavještenja određuje se:

- 1) za znakove "markacije" (ZO-01), (ZO-02), (ZO-03), (ZO-04), oblik kruga prečnika 40 cm;
- 2) za znakove "markacija ski-puta" (ZO-05), (ZO-06), (ZO-07), (ZO-08), romboidni oblik dužine stranica 40x40 cm;
- 3) za znakove "širina ski-staze" (ZO-09) i (ZO-10), oblik kruga prečnika 40 cm;
- 4) za znakove nazivi disciplina za koje je staza namjenjena: (ZO-11), (ZO-12) (ZO-13), (ZO-14), (ZO-15), pravougaoni oblik zaobljenih uglova (40x40cm);
- 5) za znakove namjene staza: (ZO-16), (ZO-17) (ZO-18), okrugli (φ40cm) ili pravougaoni oblik zaobljenih uglova (40x40cm);
- 6) za znakove "promjena smjera" (ZO-19) i (ZO-20), pravougaoni oblik zaobljenih uglova, dimenzija stranica 25x100 cm;
- 7) za znakove "višesmjerna putokazna tabla" (ZO-21) i "jednosmjerna putokazna tabla" (ZO-22), pravougaoni oblik zaobljenih uglova, dimenzija stranica 50x200 cm;
- 8) za znak "naziv objekta" (ZO-23), pravougaoni oblik zaobljenih uglova, dimenzija stranica 100x150 cm;
- 9) za znak "informativni pano" (ZO-24), pravougaoni oblik, dimenzija stranica 200x350 cm;
- 10) za znakove "prva pomoć" (ZO-25) i "SOS telefon" (ZO-26), pravougaoni oblik dimenzija stranica 40x60 cm;
- 11) za znak "zatvorena skijaška staza" (ZO-27), pravougaoni oblik dimenzija stranica 100x60 cm;
- 12) za znakove "upozorenja gorske službe spašavanja" (ZO-29), "opšta Pravila na stazama, žičarama, ski liftovima" (ZO-30), pravougaoni oblik dimenzija stranica 100x200 cm;
- 13) za znak "informaciona tabla" (ZO-31), pravougaoni oblik dimenzija stranica 300x450 cm.

Član 31. (Boja)

Boja ski-signalizacije obavještenja je:

1) za znakove višesmjerna putokazna tabla" (ZO-13) i "jednosmjerna putokazna tabla" (ZO-14), žute boje. Simbol na znaku je bijele boje na zelenoj podlozi. Tekst na znaku ispisuje se slovima crne boje. Podloga za markaciju ski-staze i strelica za određivanje pravca iscrtavaju se u boji težine ski-staze. Markacija (broj) ski-staze ispisuje se bijelom bojom;

2) za znak "naziv objekta" (ZO-15), žuta boja. Simbol na znaku je bijele boje na zelenoj podlozi. Tekst na znaku ispisuje se slovima crne boje;

3) za znak "informativni pano" (ZO-16) u osnovi siva boja, vizuelni prikaz skijališta i tekst u više boja;

4) za znak "prva pomoć" (ZO-17) i znak "SOS telefon" (ZO-18), zelena boja. Simbol i tekst na znaku su u beloj boji;

5) za znak "zatvorena skijaška staza" (ZO-19), žuta boja. Linija kruga i tekst na znaku su u crvenoj boji. Polja sa lijeve i desne strane znaka iscrтана su neizmeničnim kvadratima crvene i crne boje;

6) za znakove "upozorenja gorske službe spašavanja" (ZO-21), "opšta Pravila na stazama, žičarama, ski liftovima" (ZO-22) u osnovi žuta boja i tekst u crnoj boji;

7) za znak "informaciona tabla" (ZO-23), u osnovi siva boja, vizuelni prikaz skijališta i tekst u više boja.

Član 32. (Postavljanje)

(1) Znak "markacija širine ski-staze" postavlja se uz rub sa obe strane ski-staze čime se jasno označava skijaška staza (unutrašnji dio ski-staze na kom se odvija skijanje).

(2) Znak "markacija širine ski-staze" može da se postavlja umjesto znaka "markacija težine ski-staze".

(3) Znak "promjena smjera lijevo" i "promjena smjera desno" se postavlja na mjestu gde se od ski-staze odvaja ski-put.

(4) Znak "obavještajna tačka" se postavlja na polaznoj stanici žičare i ski lifta.

E) DOPUNSKA TABLE

Član 33. (Postavljanje dopunskih tabli)

(1) Uz znakove zabrana, obaveze, upozorenja i obavještenja mogu biti postavljene dopunske table.

(2) Poruka koju prikazuju dopunske table može da se sastoji od teksta ili simbola odnosno teksta i

simbola.

(3) Dopunske table ne mogu da budu šire u osnovi u odnosu na znak uz koji se postavljaju, niti više od 1/3 znaka.

(4) Na signalizaciji koji imaju oblik pravougaonika dimenzija 40x60 cm dopunska tabla se može postaviti na dodatnoj osnovi u donjem dijelu znaka.

(5) Boja dopunskih tabli određuje se prema boji znaka.

F) SVJETLOSNA SIGNALIZACIJA

Član 34. (Primjena)

(1) Svetlosnim signalima na skijalištu reguliše se upotreba instalacija vertikalnog transporta (žičare i ski-liftovi), kao i način korištenja ski-staza.

(2) Na svjetlosnim signalima na skijalištu mogu se emitovati zelena boja koja označava dozvoljeno korišćenje objekta skijališta i crvena boja kojom se zabranjuje korišćenje objekta skijališta.

(3) Svjetlosna signalizacija u zelenoj i crvenoj boji se mogu postavljati na posebnim nosačima i objektima skijališta, jedan ispod drugog ili jedan pored drugog.

PRELAZNE I ZAVRŠNE ODREDBE

Član 35. (Ravnopravnost spolova)

Sve imenice koje se odnose na pojedine funkcije ili radna mjesta, upotrijebljena u ovom Pravilniku, odnose se na oba spola.

Član 36. (Stupanje na snagu)

Ovaj Pravilnik stupa na snagu danom donošenja i objaviće se u "Službenim novinama Kantona Sarajevo".

Broj 04-02-1935/21
23. februara 2021. godine
Sarajevo

Ministar
Adnan Šteta, s. r.